



অবিলম্বে প্রকাশের উদ্দেশ্যে: 7/31/2020

গভর্নর অ্যান্ড্রু এম. কুওমো

**গভর্নর কুওমো রাষ্ট্রীয় সংস্থাগুলোকে জরুরি সাড়া সম্পদ প্রস্তুত করতে নির্দেশ দিয়েছেন যেহেতু হারিকেন ইসাইয়াস নিউ ইয়র্কে প্রভাব ফেলতে পারে বলে পূর্বাভাস দেওয়া হয়েছে**

গভর্নর অ্যান্ড্রু এম. কুওমো আজ রাষ্ট্রীয় সংস্থাগুলোকে জরুরি সাড়া সম্পদ প্রস্তুত এবং প্রাক-মোতায়ন করার নির্দেশ দিয়েছেন যেহেতু হারিকেন ইসাইয়াস শক্তি অর্জন করছে এবং ফ্লোরিডার উপকূলের কাছাকাছি চলে যাচ্ছে। যদিও ঝড়ের চূড়ান্ত পথ সম্পর্কে পূর্বাভাসকারীদের মধ্যে অনেক অনিশ্চয়তা রয়েছে, বর্তমান মডেল পরামর্শ দিচ্ছে যে এই ঝড় আগামী সপ্তাহের শুরুতে নিম্ন হাডসন ভ্যালি, নিউ ইয়র্ক সিটি এবং লং আইল্যান্ডে প্রভাব ফেলতে পারে। গভর্নর কুওমো নিউ ইয়র্কবাসীদের প্রতি আহ্বান জানিয়েছেন যেন তাদের পরিবার ঝড়ের জন্য প্রস্তুত থাকে এবং সবচেয়ে হালনাগাদ তথ্যের জন্য স্থানীয় আবহাওয়ার পূর্বাভাস পর্যবেক্ষণ অব্যাহত রাখে।

"আমি আমাদের জরুরি প্রতিক্রিয়া সংস্থাগুলোকে সম্পদ প্রাক-মোতায়ন করার নির্দেশ দিয়েছি যেহেতু আমরা এই ক্যাটাগরি 1 হারিকেনের উপর কড়া নজর রাখছি যা বর্তমানে পূর্ব উপকূলে আছড়ে পড়বে বলে আশা করা হচ্ছে," **গভর্নর কুওমো বলেন।** "নিউ ইয়র্কবাসীরা এসব ঝড়ের ঋণসাম্মক শক্তির সাথে অনেক বেশি পরিচিত, এবং আমি জনগণকে প্রস্তুত থাকতে এবং সতর্ক থাকার আহ্বান করছি যেহেতু সপ্তাহান্তে ঝড়ো পরিস্থিতি রূপ নিচ্ছে।"

বর্তমান পূর্বাভাসে আজ রাতের মধ্য বাহামার কাছ দিয়ে অতিক্রম করার আগে ইসাইয়াদের কেন্দ্রকে দক্ষিণ-পূর্ব বাহামার উপর সরে যাবে বলে মনে করা হচ্ছে। এই ঝড় শনিবার এবং রবিবার ফ্লোরিডা উপদ্বীপের পূর্ব দিকে যাবে বলে আশা করা হচ্ছে, যখন এটি ইস্ট কোস্টের দিকে এগিয়ে যেতে পারে এবং সোমবার রাত থেকে মঙ্গলবারে নিউ ইয়র্ক সিটি-মেট্রো এলাকায় পৌঁছাতে পারে। যেহেতু ঝড় উত্তর দিকে অগ্রসর হচ্ছে, নিম্ন হাডসন ভ্যালি, নিউ ইয়র্ক সিটি এবং লং আইল্যান্ডে ক্রান্তীয় ঝড়-বল বাতাসের সম্ভাবনা আছে।

যদিও ন্যাশনাল ওয়েদার সার্ভিস এখনো নিউ ইয়র্কের জন্য এই ঝড়ের সাথে জড়িত কোন পর্যবেক্ষণ, সতর্কতা বা নির্দেশনা জারি করেনি, কিন্তু এই সপ্তাহান্তে সঠিক পথ সম্পর্কে আরো তথ্য প্রকাশিত হওয়ার সাথে সাথে এটি পরিবর্তিত হতে পারে। নিউ ইয়র্কবাসীরা সর্বশেষ আবহাওয়া পূর্বাভাসের পাশাপাশি, এই সকল বিজ্ঞপ্তির সম্পূর্ণ তালিকার জাতীয় আবহাওয়া পরিষেবা ওয়েবসাইটে গিয়ে দেখতে পারেন [এখানে](#)।

এজেন্সির প্রস্তুতি

## হোমল্যান্ড নিরাপত্তা ও জরুরি সেবা বিভাগ (Division of Homeland Security and Emergency Services, DHSES)

নিউইয়র্ক স্টেট ডিভিশনের হোমল্যান্ড নিরাপত্তা ও জরুরি সেবা বিভাগের জরুরি অপারেশনস সেন্টার (Emergency Operations Center) COVID-19 মহামারীর কারণে সক্রিয় রয়েছে এবং তারা আবহাওয়ার পরিস্থিতি পর্যবেক্ষণ করবে, রাষ্ট্রীয় প্রতিক্রিয়া কার্যক্রম পরিচালনা করবে এবং ঘটনার পুরো সময়কালে এলাকাবাসীর সাথে যোগাযোগ করবে। স্টেটের মজুদকেন্দ্রগুলি ঝড়-সম্পর্কিত প্রয়োজনে ক্ষতিগ্রস্ত লোকালয়ে সম্পদ মোতায়েনের জন্য প্রস্তুত। এর মধ্যে রয়েছে পাম্প, চেইনস, বালির বস্তা এবং বোতলজাত পানি।

## ডিপার্টমেন্ট অফ ট্রান্সপোর্টেশন (Department of Transportation)

স্টেট ডিপার্টমেন্ট অব ট্রান্সপোর্টেশন নিম্নলিখিত জিনিসপত্র

নিম্নে এই সপ্তাহান্তের ঝড়ের ঘটনায় সাড়া দিতে প্রস্তুত:

- 1,460টি বৃহৎ ডাম্প ট্রাক
- 313টি বড় লোডার
- 78টি চিপার
- 77 চাকা ওয়ালা এবং ট্র্যাক করা খননকারী
- 35টি ট্রাফিক টাওয়ার প্ল্যাটফর্ম
- 20টি গ্রেডার (Grader)
- ডেন জেটসহ 15টি ভ্যাকুয়াম ট্রাক
- 13টি ট্রি ক্লো বাকেট ট্রাক

## থ্রুওয়ে অথোরিটি (Thruway Authority)

থ্রুওয়ে অথোরিটি ঝড়ো বাতাস সংক্রান্ত যেকোনো পরিস্থিতি মোকাবেলায় স্টেট জুড়ে 651 জন অপারেটর ও সুপারভাইজার, ছোট থেকে মাঝারি আকারের খননযন্ত্র, লাজল/ডাম্প ট্রাক, বড় লোডার এবং বেশ কিছু বহনযোগ্য VMS বোর্ড, বহনযোগ্য লাইট টাওয়ার, ছোট জেনারেটর, ছোট পাম্প ও উপকরণ টানার ট্রেলার এবং যেকোনো ধরনের পথ ঘোরানো বা বন্ধের জন্য ট্রাফিক সাইন ও অন্যান্য ট্রাফিক নিয়ন্ত্রণ যন্ত্র নিয়ে পুরো স্টেটে বন্যা সমস্যার সমাধানে কর্মীরা প্রস্তুত আছে। থ্রুওয়েতে আবহাওয়া পরিস্থিতির ব্যাপারে মোটরচালকদের সতর্ক করতে বিভিন্ন রকম বার্তা চিহ্ন, হাইওয়ে পরামর্শ রেডিও এবং সোশ্যাল মিডিয়া ব্যবহার করা হয়।

স্টেটব্যাপী সরঞ্জামের সংখ্যাগুলো নিম্নরূপ:

- 207টি বৃহৎ ডাম্প ট্রাক
- 123টি ছোট ডাম্প ট্রাক
- 60টি লোডার

- 26 ট্রেইলার
- 7টি ভ্যাক ট্রাক
- 10টি ট্র্যাকড খননযন্ত্র
- 7টি চাকায়ুক্ত খননযন্ত্র
- 11টি ব্রাশ চিপার
- 99টি চেইনস
- 21টি এরিয়াল ট্রাক
- 22টি স্কিড স্টিয়ার
- 87টি বহনযোগ্য জেনারেটর
- 69টি বহনযোগ্য আলোর ইউনিট

থ্রুওয়ে অথোরিটি মোটরচালকদের তাদের মোবাইল অ্যাপ ডাউনলোড করতে উৎসাহিত করে যা [আইফোন](#) এবং [অ্যান্ড্রয়েড](#) ডিভাইসে ডাউনলোড করার জন্য বিনামূল্যে উপলভ্য। অ্যাপটি মোটরযান চালকদের প্রকৃত-সময়ে ট্রাফিক এবং দিক-নির্দেশনা সহায়তা লাভের সরাসরি সুযোগ প্রদান করে। এছাড়াও মোটরচালকরা TRANSalert ই-মেইলের জন্য সাইন আপ করতে পারেন নিচের লিঙ্ক অনুসরণ করে যা থ্রুওয়ে জুড়ে সর্বশেষ ট্রাফিক পরিস্থিতি প্রদান করে:

[www.thruway.ny.gov/tas/index.shtml](http://www.thruway.ny.gov/tas/index.shtml)। রিয়েল-টাইম আপডেটের জন্য, মোটরচালকরা থ্রুওয়ে ও নিউ ইয়র্কের অন্যান্য রাস্তার ট্রাফিক পরিস্থিতি প্রদর্শনকারী ইন্টারেক্টিভ ম্যাপ দেখতে টুইটারে [@ThruwayTraffic](#) অনুসরণ করতে পারেন অথবা [www.thruway.ny.gov](http://www.thruway.ny.gov) ভিজিট করতে পারেন।

### **ডিপার্টমেন্ট অব এনভায়রনমেন্টাল কনজারভেশন (Department of Environmental Conservation, DEC)**

DEC এনভায়রনমেন্টাল কনজারভেশন পুলিশ অফিসার (ECO), ফরেস্ট রেঞ্জার এবং ইমার্জেন্সি ম্যানেজমেন্ট কর্মীরা ঝড়ের গতিবেগ নিবিড়ভাবে পর্যবেক্ষণ করছে এবং ভারী বৃষ্টি, বন্যা এবং শক্তিশালী বাতাসে ক্ষতিগ্রস্ত সম্প্রদায়ের জন্য রসদ যোগান দিতে প্রস্তুত রয়েছে। ডোন পাইলট, নৌকা ও ইউটিলিটি যানসহ বিদ্যমান সকল সংস্থান যেকোনো জরুরি পরিস্থিতিতে সহায়তার জন্য প্রস্তুত আছে।

### **পার্ক, বিনোদন ও ঐতিহাসিক সংরক্ষণ অফিস (Office of Parks, Recreation and Historic Preservation)**

স্টেট পার্ক ঝড়ের পূর্বাভাস পর্যবেক্ষণ করছে, এবং আঞ্চলিক কর্মীরা UTV/ATV, জেনারেটর এবং কার্টের চিপার প্রস্তুত করছে; সয়ার ক্রু শনাক্ত করা; সম্ভাব্য অবরোধের নিকাশি কাঠামো পরিষ্কার করা, এবং পরিচিত বিপজ্জনক অঙ্গ এবং গাছ অপসারণ করছে। সম্ভাব্য পর্যটকদের ঝড়ের কারণে সুবিধা অপারেটিং সময়সূচির যেকোন সম্ভাব্য পরিবর্তনের আপডেটের জন্য <https://parks.ny.gov/> ভিজিট করতে অনুরোধ করা হয়েছে।

পাব্লিক সার্ভিস এন্টারপ্রাইজ গ্রুপ (Public Service Enterprise Group, PSEG)–এর ইউটিলিটি কর্মীরা ঝড়ের আশঙ্কায় পিকনিক এলাকার পার্কিং লট এবং ক্লাবহাউসের কাছে বেথপেজ স্টেট পার্কে রবিবার ট্রাক এবং সাপ্লাই ও সরবরাহ করবে।

প্রদেশজুড়ে উপকরণের হিসাব নিম্নরূপ:

- 39টি চিপার
- 29টি ডুয়াল রিয়ার অ্যাক্সেল ডাম্প ট্রাক
- 119টি একক রিয়ার এক্সেল ডাম্প ট্রাক
- 12টি এরিয়াল লিফট - ট্রাক মাউন্ট করা (বাকেট ট্রাক)
- 31টি খননকারী
- 229টি বিভিন্ন আকারের লোডার
- 44টি বিভিন্ন আকারের লোডার-ব্যাকহো

### নিউ ইয়র্ক স্টেট পুলিশ

স্টেট পুলিশ ঝড়ের উপর কড়া নজর রাখছে এবং নিউ ইয়র্কে সম্ভাব্য প্রভাবের অগ্রিম প্রস্তুতি নিচ্ছে। স্টেট পুলিশ সম্পূর্ণরূপে কর্মী নিযুক্ত রাখবে এবং সকল সরঞ্জাম কর্মক্ষম এবং মোতামেদের জন্য প্রস্তুত রাখা হবে যার মধ্যে অন্তর্ভুক্ত চার চাকার গাড়ি, ইউটিলিটি টেরেইন যানবাহন এবং নৌকা।

### জনসেবা অধিদপ্তর (Department of Public Service)

নিউ ইয়র্ক স্টেট জুড়ে ক্ষয়ক্ষতি মূল্যায়ন, পরিস্থিতি মোকাবেলা ও পুনরুদ্ধারের উদ্দেশ্যে নিয়োজিত করার জন্য নিউ ইয়র্ক ইউটিলিটির বর্তমানে প্রায় 4,500 জন শ্রমিক রয়েছে। জন পরিষেবা বিভাগের কর্মীরা ঝড়ের পুরো ঘটনা জুড়ে ইউটিলিটির কাজগুলি পর্যবেক্ষণ করবে এবং ইউটিলিটিগুলি উপযুক্ত কর্মীদের দ্বারা সর্বাধিক প্রভাব অনুভূত অঞ্চলে স্থানান্তরিত হচ্ছে তা নিশ্চিত করবে।

### নিরাপত্তা পরামর্শ

প্রবল বৃষ্টিপাত হওয়ার সময়েই রাস্তায় বের হলে, অনুগ্রহ করে সাবধানে গাড়ি চালান এবং এই বিষয়গুলি মাথায় রাখুন:

- বন্যা বিধ্বস্ত রাস্তা দিয়ে গাড়ি চালিয়ে যাওয়ার চেষ্টা করবেন না। গাড়ি ঘোরান এবং অন্য রাস্তা দিয়ে যান।
- দ্রুত গতিতে বয়ে চলা পানির ধ্বংসাত্মক ক্ষমতাকে অবহেলা করবেন না। দ্রুত গতিতে বয়ে চলা দুই ফুট উচ্চতার পানি কিন্তু আপনার গাড়িকে ভাসিয়ে নিয়ে চলে যাবে। প্রতি ঘন্টায় দুই মাইল বেগে বয়ে চলা জল একটা রাস্তা বা সেতু থেকে গাড়ি ভাসিয়ে নিয়ে যেতে পারে।

- বন্যা বিধ্বস্ত রাস্তায় যাতে আটকা পড়তে না হয় সে জন্য সময়ের আগেই বের হোন।
- প্রস্তুত রাস্তা অনুসরণ করুন। বন্যা বিধ্বস্ত অঞ্চলগুলি দেখতে ইমার্জেন্সি ডিটুর উপেক্ষা করবেন না।
- যাতায়াত করার সময়ে, সাম্প্রতিক খবরে নজর রাখতে NOAA ওয়েদার রেডিও এবং লোকাল রেডিও ব্রডকাস্টে মনযোগ রাখুন।
- বন্যায় ভেসে চলে যাওয়া রাস্তা, ফাটল ধরে যাওয়া, পানি অথবা পানি বের হয়ে যাওয়ার ব্যবস্থায় থাকা ফাটল অথবা বৈদ্যুতিক তার মাটিতে পড়ে আছে কি না এবং কোনও কিছু পড়ছে অথবা পড়ে আছে কি না সেই সব দিকে নজর রাখুন।
- যেসব জায়গায় নদী বা জলপ্রবাহ হঠাৎ বৃদ্ধি পেয়ে বন্যা আনতে পারে, যেমন হাইওয়ের গর্ত, সেতু ও নিচু এলাকা, সেখানে লক্ষ্য রাখুন।
- যদি আপনি আপনার গাড়ির ভিতরে থাকেন আর আপনার চারপাশে জল দ্রুতবেগে বাড়তে থাকে, তাহলে অবিলম্বে গাড়ি ছেড়ে চলে যান।

বন্যা এবং গুরুতর আবহাওয়ার জন্য প্রস্তুত হন:

- আপনি যেখানে বসবাস করেন সেখানের কাউন্টি এবং নিকটবর্তী শহরগুলির নাম জানুন। গুরুতর আবহাওয়া সতর্কতা একটি কাউন্টির ভিত্তিতে জারি করা হয়।
- আপনার বাড়ির বা ব্যবসার থেকে নিরাপদ রুটটি শিখুন, যদি নিরাপদ স্থলে আপনার তাড়াতাড়ি চলে যেতে হয়।
- একটি 'পরিবার পালাবার' পরিকল্পনা গঠন এবং অনুশীলন করুন এবং পরিবারের সদস্যরা পৃথক হয়ে গেলে একটি দেখা করার স্থান সনাক্ত করে রাখুন।
- আসবাব, পোশাক এবং অন্যান্য ব্যক্তিগত সম্পত্তি সহ সমস্ত মূল্যবান জিনিসগুলির একটি আইটেমকৃত তালিকা তৈরি করুন। একটি নিরাপদ স্থানে তালিকাটি রাখুন।
- ক্যান এর খাবার, ঔষধ এবং ফার্স্ট এইড সরবরাহ ও পানীয় জলের জরুরি সরবরাহ স্টকপাইল করুন। পরিষ্কার, বন্ধ পাত্রে পানীয় জল সংরক্ষণ করুন।
- আপনার পোষা প্রাণী নিয়ে কী করবেন পরিকল্পনা করে রাখুন।
- একটি পোর্টেবল রেডিও, ফ্ল্যাশলাইট, অতিরিক্ত ব্যাটারি এবং উপলভ্য জরুরি রান্না সরঞ্জাম রাখুন।
- আপনার অটোমোবাইলে পর্যাপ্ত জ্বালানী রাখুন। যদি বিদ্যুৎ শক্তি বন্ধ হয়ে যায়, তবে গ্যাসোলিন স্টেশন কয়েক দিনের জন্য জ্বালানী পাম্প করতে পারবে না। আপনার গাড়ির ড্রাঞ্জে একটি ছোট দুর্যোগ সরবরাহ কিট রাখুন।
- আপনার সম্পত্তি কত উপরে এবং বন্যা স্তরের কত ফুট নিচে জেলে নিন। পূর্বাভাসকৃত বন্যার মাত্রা যখন সম্প্রচার করা হয়, আপনার জায়গায় বন্যা হতে পারে কিনা তা নির্ধারণ করতে পারেন।
- স্যান্ডব্যাগ, প্লাইউড, প্লাস্টিকের শিট এবং কাঠের মতো উপকরণকে জরুরি জল-নিরোধক হিসেবে ব্যবহার করার জন্য হাতের কাছে রাখুন।

হাতে দুর্ব্যোগ সরবরাহ রাখুন, এগুলো সহ:

- টর্চলাইট এবং অতিরিক্ত ব্যাটারি
- ব্যাটারি চালিত রেডিও এবং অতিরিক্ত ব্যাটারি
- ফার্স্ট এইড কিট এবং ম্যানুয়াল
- জরুরি খাদ্য এবং জল
- অ বৈদ্যুতিক ক্যান ওপেনার
- অপরিহার্য ওষুধ
- চেকবুক, নগদ, ক্রেডিট কার্ড, এটিএম কার্ড

বিদ্যুৎ চলে গেলে, নিউ ইয়র্কের অধিবাসীদের উচিত:

- বিদ্যুৎ-চালিত গুরুত্বপূর্ণ যন্ত্রপাতি ও অন্যান্য উপকরণ বন্ধ করে রাখুন বিদ্যুৎ সংযোগ বিচ্ছিন্ন করে দিন, যেমন- কম্পিউটার, কারণ বিদ্যুৎ সরবরাহ সাময়িক বেড়ে গেলে তা আপনার যন্ত্রকে নষ্ট করে দিতে পারে। একটি বাতির সুইচ চালু করে রাখুন যাতে বিদ্যুৎ ফিরে আসলে আপনি জানতে পারেন। যখনই বৈদ্যুতিক উপকরণ ব্যবহার করবেন, বিদ্যুৎ সার্জ প্রটেক্টর ব্যবহার করুন।
- বিদ্যুৎ চলে গেলে সেবা সংস্থাকে ফোন করুন এবং অফিসিয়াল তথ্যের জন্য স্থানীয় বেতার সম্প্রচার শুনুন। নিউ ইয়র্ক স্টেট-র ইউটিলিটি তালিকার জন্য নিউ ইয়র্ক স্টেট ডিপার্টমেন্ট অব পাবলিক সার্ভিস (New York State Department of Public Service)-এর ওয়েবসাইট পরিদর্শন করুন আপনার প্রতিবেশীর বিদ্যুৎ রয়েছে কিনা তা জানতে পরীক্ষা করুন। যোগাযোগ সহায়তা ও ফাংশনাল সহায়তা প্রয়োজন এমন ব্যক্তিদের খোঁজ নিন।
- জরুরি আলো জ্বালানোর জন্য কেবল ফ্ল্যাশলাইট ব্যবহার করুন – মোমবাতি থেকে আগুন লাগার ঝুঁকি রয়েছে।
- রেফ্রিজারেটর ও ফ্রিজারের দরজা বন্ধ রাখুন – রেফ্রিজারেশন প্রয়োজন এমন বেশিরভাগ খাবার রেফ্রিজারেটরের দরজা বন্ধ অবস্থায় কয়েক ঘন্টা নিরাপদ থাকে। দরজা বন্ধ অবস্থায় রেফ্রিজারেটর কমপক্ষে চার (4) ঘন্টা খাবার ঠাণ্ডা রাখে। একটি পূর্ণাঙ্গ ফ্রিজার প্রায় 48 ঘন্টার জন্য তাপমাত্রা ধরে রাখবে।
- ঘর গরম করার জন্য কম্বলার গ্লি ইনডোর এবং গ্যাস স্টোভ ব্যবহার করবেন না – এগুলো থেকে ক্ষতিকর মাত্রার কার্বন মনোঅক্সাইড ছড়াতে পারে।
- ঠাণ্ডা আবহাওয়ায়, কয়েক স্তরের জামা পরে এবং বাইরে কম সময় কাটানোর মাধ্যমে উষ্ণ থাকুন। ঠাণ্ডা-বাহিত বিভিন্ন উপসর্গ (যেমন, হাইপোথার্মিয়া) সম্পর্কে সচেতন থাকুন এবং এ ধরনের কোনো উপসর্গ দেখা গেলে ডাক্তার দেখান।
- আপনি কোনো উঁচু ভবনে থাকলে, সিঁড়ি বেয়ে ভবনের সবচেয়ে নিচের তলায় নেমে যান। এলিভেটরে আটকে গেলে, সহায়তার জন্য অপেক্ষা করুন। জোর করে দরজা খোলার চেষ্টা করবেন না। ধৈর্য ধরুন – এলিভেটরে প্রচুর বাতাস থাকে এবং এর ভেতরটা ব্যবহারকারীর নিরাপত্তার কথা মাথায় রেখে তৈরি।

- আপনার পোশা প্রাণীকে সতেজ, ঠাণ্ডা পানি খাওয়াতে ভুলবেন না।
- অপ্রয়োজনীয় ভ্রমণ বাতিল করুন, বিশেষ করে গাড়িতে চড়ে। বিদ্যুৎ চলে গেলে ট্রাফিক বাতি কাজ করবে না, ফলে রাস্তায় জ্যাম লেগে যেতে পারে এবং গাড়ি চলাচলে বিপজ্জনক পরিস্থিতি তৈরি হতে পারে। লোডশেডিং অবস্থায় আপনাকে যদি গাড়ি চালাতেই হয়, তাহলে ট্রাফিক সিগনাল অকেজো থাকা সংযোগ সড়কগুলোতে 4-মুখী থামার নিয়মটি মেনে চলবেন।
- মনে রাখবেন যে ব্যাংকের এটিএম (ATMs) মেশিন ও এলিভেটর কাজ নাও করতে পারে।

আরো নিরাপত্তা সংক্রান্ত পরামর্শের জন্য, [www.dhSES.ny.gov/oem/safety-info/index.cfm](http://www.dhSES.ny.gov/oem/safety-info/index.cfm) এ DHSES এর ওয়েবসাইটে যান।

###

অতিরিক্ত তথ্য পেতে দেখুন [www.governor.ny.gov](http://www.governor.ny.gov)  
নিউইয়র্ক স্টেট | এক্সিকিউটিভ চেম্বার | [press.office@exec.ny.gov](mailto:press.office@exec.ny.gov) | 518.474.8418

[আনসারস্কাইব করুন](#)